

6.9 HONDAKINAK UDALAREN TRATAMENDU LANTEGIETAN HUSTU ETA TRATATZEAGATIK ORDAINDU BEHARREKO TASAK**I. FUNTSA ETA IZAERA****1. artikulua**

Gasteizko Udalak, uztailaren 19ko 41/1989 Foru Arauko 2. artikulua ematen dizkion ahalmenez baliatuz, tasak ezarri ditu Gardelegiko udal zabortegiko zerbitzua erabiltzeagatik eta Gasteizko hiri hondakinak tratatzeko Jundiz Mendebaldeko lantegian hondakinak onartu eta tratatzeagatik.

II. ZERGA-EGITATEA**2. artikulua**

Arau honen objektua Gardelegiko udal zabortegian eta hiri hondakinak tratatzeko Jundiz Mendebaldeko lantegian hondakinak utzi eta tratatzeagatik ordaindu beharreko tarifak zehaztea da.

III. SUBJEKTU PASIBOAK**3. artikulua**

Tasa honen subjektu pasiboa hondakina utzi edo uzteko agindu duen pertsona natural edo juridikoa izango da Gardelegiko zabortegiaren kasuan, edo erabiltzen duen pertsona natural edo juridikoa hiri hondakinak tratatzeko Jundiz Mendebaldeko lantegiaren kasuan.

IV. TARIFAK**4. artikulua**

Epigrafe hauen arabera sortuko dira tasak:

1. EPIGRAFEA

Gasteizko hiri hondakinak tratatzeko Jundiz Mendebaldeko lantegian hondakinak utzi eta tratatzeagatik tasa

- Hiri-hondakinen multzoak edo hiri hondakintzat jo daitezkeenak:

2022

96,62 euro/Tm

- Zati organikoaren gaikako bilketatik sortzen diren hiri-hondakinak:

2022
60,09 euro/Tm

- Bilketa pribatuetako hondakin berdeak:

2022
37,39 euro/Tm

2. EPIGRAFEA

- Gardelegiko zabortegi kontrolatuan hondakin solidoak deuseztatzeagatiko tasak.

HONDAKIN MOTA	2022
Industria hondakin geldoak	25,05 euro/Tm
Industria hondakin ez arriskutsuak	45,75 euro/Tm
Igeltsuak eta igeltsua duten hondakinak	34,49 euro/Tm
Hiri hondakinak eta antzekoak tratatzeko lantegietan eta ur zikinen araztegiatan atzera botatako hondakinak	47,92 euro/Tm
Hiri hondakinaren antzekoak	61,27 euro/Tm
Inausketa eta lorezaintza hondarrak	61,27 euro/Tm
Eraikitze eta eraiste lanen hondakinak (harrizkoak) tratatzeko lantegiak atzera botatako gai ez arriskutsuak	33,69 euro/Tm

Hondakinaren konposizioa hainbat motaren nahasketa denean, tasarik handiena duen hondakinaren tarifa aplikatuko da.

V. SALBUESPENAK ETA HOBARIAK

5. artikulua

Tasa ordaintzetik salbuetsita egongo dira:

- Hondakin onargarriak uzten dituzten erabiltzaile partikularrak, baldin eta entrega bakoitzeko 1.000 kg baino gehiago ekartzen ez badituzte, eta zabortegiko langileek egindako sarrera-kontrollean ikuskatuak eta onartuak izan badira. Salbuespen honetatik kanpo geratuko dira birziklatzeko nahiz balioa emateko moduko hondakinak.

- Gasteizko udalerriko zabor bilketa eta hiri garbiketako zerbitzuek ekarritako hondakinak uztea eta tratatzea.
- Udal titularitateko Gasteizko Hiri Hondakinak Biometanizazioz eta Konpostatzez Tratatzekeo Lantegian sortzen den gai bio-egonkortua.

VI. SORTZAPENA

6. artikulua

Gasteizko Udalak tasa auto-likidazio erregimenean ordaintzeko eskatu ahal izango du, eta auto-likidazioa isurketa egiteko baimenarekin edo eskabidearekin batera aurkeztu beharko da. Baimen hori eskatzearekin batera egingo da tasaren behin-behineko likidazioa.

VII. KUDEAKETA

7. artikulua

1.- Gardelegiko zabortegiaren kasuan, ordenantza honetan adierazi diren zerbitzuak emateko, alde aurretik, hondakinak uzteko baimena eskatu beharko zaio Gasteizko Udalari, 1997ko abuztuaren 18ko ALHAOn argitaratutako araudiari jarraiki. Zerbitzurako baimena emantzat jotzeko, edonola ere, ordenantza honetan araututako tasa ordaindu beharko da aurretik, eta tasa ordaintzen ez bada zerbitzua ez da emango.

2.- Gasteizko hiri hondakinak tratatzeko Jundiz Mendebaldeko lantegiaren kasuan ere baimena eskatu beharko da, Ingurumenaren eta Espazio Publikoaren Sailak zehazten duen eran. Zerbitzurako baimena emantzat jotzeko, edonola ere, ordenantza honetan araututako tasa ordaindu beharko da aurretik, eta tasa ordaintzen ez bada zerbitzua ez da emango.

VIII. ARAU-HAUSTEAK ETA ZIGORRAK

8. artikulua

Zergen alorreko arau-hausteen sailkapenari eta kalifikazioari dagozkienetan, baita kasuan kasu horiei dagozkien zigorrak zehazteari dagozkienetan ere, Arabako Zergei buruzko Foru Arau Orokorra aplikatuko da, baita Zergen eta zuzenbide publikoko beste diru-sarrerara batzuen kudeaketa, zerga-bilketa eta ikuskaritzari buruzko ordenantza orokorreko arauak ere.

Xedapen gehigarria

Arrazoi sistematikoak zirela medio indarrean dauden legeetatik nahiz horiek garatzen dituzten bestelako arauetatik ordenantza fiskal honetara aldatu diren aginduak besterik gabe joko dira aldatutzat edo ordeztutat jatrorrizko lege-arau eta araudi horiek aldatzen direlarik.

Azken xedapena

Behin betiko onespeneraren erabakia Arabako Lurralde Historikoaren Aldizkari Ofizialean argitaratzen den egunaren biharamunean jarriko da indarrean ordenantza hau, eta berariaz aldatu edo indargabetu arte egongo da hala.